

գաւորութիւնս թէ Ազգն Հոռոմոց զայս ինչ գործեալ են :

Թ՛վին ՌՃԶ Մարտի ԻԹ Զատիկ եւ Յարութիւն Տեառն մերոյ Յիսուսի Քրիստոսի : Յեկեղեցիս մեր էաք . անձրև էր մեղմագոյն և զերեկոյի ամառուրն կարգացի :

Եւ Բշիս (30 Մարտ) ևս ոչ էր բաց և անձրև էր և ոչ ոք գնաց ի գերեզմաներն :

Դշի օրս Ապրիլ ամիս : Երեկոյիս վաճառականքն արևելեան պատիւ արարին Աստուածատուր վարդապետին . ի տեղն էաք երեկոյիս :

Եշի օրս (2 Ապրիլ) կրկին Տաճկունքն Ե նաւ ուղարկեցին յօգնականութիւն գնացելոցն :

Ուրբաթս (3 Ապրիլ) լուսին նոր էր , որ ըստ բառի Տաճկաց Ընէճէպ ասի , առաջի նամագ : Եւ առուրքս վէզիւրն ի պալատ թագաւորին . որք կային յառաջակայք թագաւորին Ե Զ արքն ի դուրս հանել ետ անարգանօք և ոչ պատուով որպէս օրէն էր , և ճանապարհ նոցա պատիւ էր մեծութեան և իշխանութեան , սակս վասն բանի Հոռոմոցն՝ թէ նոքա վասն նոցա բան են խօսեցեալ թէ Զուր արար վէզիւրն զայն գործ , և պատրիարքութիւն Հոռոմոցն այնպէս ամայի մնաց մինչև ցայժմ և ոչ ոք եղին յաթոռն :

Եւ առուրքս հացածախքն կորեկ խառնեալ ի ցորեանն՝ ապա հաց հանէին , զի և գարին ևս ի 4 ըստակն ել , զի ցորեան ոչ եկն վասն հողմոցն , որք ելեալ հողմն ոչ երբեր զցորեանն ի սահմանաց Սեաւ Մովէն :

Կիրակի Ե-իս կարմիր և Նոր անուանի : Օրս ելին ի գերեզմաներն :

Բշիս (6 Ապրիլ) քեռիս եկաւ ի գիւղէն : Եւ Բշիս զմուղթասիպն փոխեաց և եղ հին մեծ աղա մի , որոյ անուն Շապան աղա ասի :